

精鈔
大字

隨

園

全

集

欽定四庫全書

卷一百一十五

詩經

卷一百一十五

紅豆村人詩稿卷九 辛丑壬寅

將出江南留別諸親友

心愛江南好。遊蹤三十年。尋春桃葉渡。聽雨杏花天。為築臨江宅。新添買酒錢。遠離別萬里。入蠻烟。大阮隨園住。柴扉鎮日關。墳前團碧水。林下列青山。兒時讀書處。雲霞共往還。一家常燕集。花柳如紅顏。半刺分名郡。家居竟未移。官能容我懶。客不笑臣癡。江閣開花燕。河亭足水嬉。閒來無一事。惟有畫兼詩。大府垂青盼。同人和短歌。心閒牽夢少。居久得交多。後會重期約。將離奈老何。殷勤託江水。為我駐流波。

出江城口號留別存齋兄

萬里長征路。衰年遠別情。春風吹細雨。送出石頭城。

再和存齋兄贈別原韻

殷勤送別出山樓。情與長淮水共流。官職何關名士計。別離能使達人愁。相期來世仍青眼。可恨今生已白頭。勉向山中計時日。五年江上待歸舟。

過蕪湖關福觀察保過訪舟中相邀入署觀劇暢飲即席呈謝

棄繻尚未臨關去。枉駕偏勞放艇來。江上客隨春浪到。署中筵對暮雲開。一庭花瑞玉金帶。時

藥成百和香濃愛玉杯有歌兒玉官伯酒正是主人情重處叮嚀夜漏莫相催

春暮過皖江家春圃廉使署值牡丹盛開留宴三日因憶前年向江蘇畦刺史乞得亳州

細種四十本植耦畧南牕開花色甚茂而兩年外出一見未能感賦四章

一船雞犬渡江來笑挈妻孥訪柏臺恰是春深好時節華筵高對牡丹開筵開內外集笙歌

三日韶光一瞬過座上劇憐兄弟少天涯無奈別離多名花相對惜春殘憶得家園舊樂欄

婉轉乞來幸苦植開時讓與別人看清祕天香富貴姿與兄品格正相宜還期開出三花瑞十丈

濃陰護本校

皖上觀協鎮者戴觀察知誠沈太守元振福祿倪廷模二刺史謝別駕用浩張繼昌林夢鯉

張護周學元四令尹招飲許司獄其諒如香閣張燈水嬉

閉戶悵交少臨別覺交多皖上逢舊侶惜我走關河王程有期限邂逅難踈跢相招如香閣雜

坐陳笙歌主眾客僅一舌戰怯語訛瑣筵開四面藻彩被遥坡優伶龍裝立玉樹交枝柯流霞

飛巨掌不飲亦顏酡是時春欲暮柳外風融和雨霽月微白山烟橫翠螺池寬納眾景水淨生嬌波

城頭鼓初動燈船出萬羅初時乍明滅幾點疎星羅繼乃列高下萬簇騰金梭燭焰動魚鳥震

響蟾龍鼉與蘭酒飲醒雙眼試摩挲取手不易執舉頭問姮娥斯樂良已極此地後誰過明晨掛

帆去迴首情如何

度鄱陽湖

風滿長空水滿湖。片帆一日拜雙姑。船衝怒浪千層出。雲裹遙峯半截無。百戰餘腥浮霞鷺。一天殘照落孤蒲。高吟真向中流過。誰探驪龍領下珠。

舟過豫章湯

荊棠杜憲

兩觀察九江周太守克開招識百花洲。感舊憶情得二十四韻。

為重故人意。來陪閣下趨。居然逢盛饌。恰好在洪都。

余與湯公發未同榜

冠蓋凌晨集。瓊筵昨夜鋪。

百花開勝地。萬柳護行廚。

回首春明夢。同聽玉殿呼。

余與湯公發未同榜

江城慚並駕。

與周公同官江寧

汴水共飛鳬。

曾與杜公同在河東作尹

是前生有。渾如隔世無。榮枯同歲月。奔走各程途。雲挾鵬搏遠。書沈雁影孤。諸公多顯達。賤子獨

泥塗。經別仍青眼。相看帳白鬚。前期空浩渺。此會亦須臾。好雨迎新客。清尊識故吾。亭臺幸隱

見。烟水乍模糊。心欲空今古。身皆入畫圖。正當歡敘劇。不覺日將晡。燈上繁星亂。堂前朗月俱。

低揚動弦索。光彩耀瓊瑜。嘉果堆盈盒。香膠貼滿壺。量逢歡席大。膽遇舊交麤。都是忘形契。益因

俗禮拘。

時湯公方護食家

王程計時日。客路極江湖。明日將重別。今宵忍不娛。縱教成酩酊。自有玉雙

扶。

座有雙福雙龍二童侑酒

折齒數

辛丑三月望。揚帆大江津。中流風雨作。波浪駭崩輪。舟播一牕落。側擊傷我唇。唇亡齒竟寒。雙扉一扇單。風定痛未定。捫舌坐長歎。歎息此餘骨。相依厯歲月。菜根嚼既多。膏粱饜未竭。忽然中

道摧橫折出飛災。切音將失韻。笑口應難開。從茲明鏡裏。相對形先恥。誰毆李道宗。愧陪習鑿齒。非蒙類焚身。相鼠慚知禮。搖落不關秋。含冤向誰理。門面先就衰。吾生其老矣。老矣將奈何。落花春暮多。幸非投梭折。無妨仍嘯歌。

登滕王閣

帝子樓非舊。才人序獨存。潮生南浦暗。雨落大江渾。舟楫通吳會。雲山接郢門。古今真憑眺。風景自朝昏。

惶恐灘晚泊

萬安橋下水粼粼。十八灘頭扼要津。試問古今來往客。能無惶恐有何人。

渡梅嶺憩輿頭日近亭

石級層層似蟻旋。濕衣疑雨亦疑烟。千峯疊浪翻亭下。萬樹排青護嶺顛。山水即今成勝地。風雲自昔判蠻天。平生妄說耽吟咏。到此方思謝眺篇。

渡嶺後入清遠諸峽經觀音巖飛來寺各名勝山水奇異莫可明言總賦一篇用識梗概

千山萬山重復重。千樹萬樹交陰濃。蜿蜒兩龍夾岸臥。當中一水飛烟虹。山山自相續。山山各起峯。奇峰驕勢奇不去。峰頭更矗青芙蓉。樹樹各呈態。一片綠蒙蒙。絨堆絮積鬱層疊。轉疑天巧類人工。兩崖東江水力噓。奔瀉怒走聲洶洶。乘風一瀉數百里。全家性命同沙蟲。目搖神旺懼不及。

左盼右顧增豪雄。忽然紆迴路中斷。忽然木石來交攻。放平心膽任行去。羊腸九折隨境通。有時崖邊見村落。危樓破屋懸虛空。有時啼鳥和樵斧。但聞人語無人蹤。觀音一巖更奇特。瓔珞倒掛形玲瓏。真陽峽裏答聲響。分明妄誕傳呼嵩。香爐近水曉烟濕。美人望夫朱顏紅。或如束筍或柱笏。或如伏虎或飛熊。如盒或傳混沌秘。如匣或有干將封。千狀萬態絕擬似。森森白日吹陰風。境靈須要佛力護。從空飛下梵王宮。瑤樓仙館出樹杪。綠陰清霄傳疎鐘。山水至此乃稱絕。何有鳥道與猿叢。曩食景轉嫌順風疾。一日過盡心中忪。更惜化工不省事。未解分移兩土中。棄置蠻徽竟何用。空教過客瞻空隆。

羚羊峽即步騭戰錢博處

兩山屹對峙。一水奔中流。紆迴二十里。天光一綫浮。江窄東濤怒。崖峻斷風遒。風水互相擊。洪聲吼萬牛。蒲帆或失馭。千古無回舟。卓哉步刺史。此地揚戈矛。奇兵抗險要。高竦懸堂元。波翻駭魍魎。箭急魚蝦愁。宏綱羅小醜。纖斬如泥鰕。一洗賊氛淨。草木餘清秋。至今風雨夜。鬼哭聲啾啾。抵犛郡後即事書懷却寄存齋家兄兼呈江南諸友

曾是西泠款段生。居然方面領專城。山通象郡看雲起。水自牂牁到郭清。瘴氣拂衣吹不散。蠻音入耳聽難明。十三州縣無窮事。珍重黃堂一判行。堂皇衙署有殊觀。燕寢愜容後園寬。陸賈既還誰作使。包公以後敢為官。烏臺莽莽人聲閉。黑井深深鬼氣寒。不用於奇誇政績。但能心正即

身安異地無朋可奈何。閒情贏得日高歌。廣求石友青花少。試問珠娘亦足多。戲嚼香瓜酸

皓齒。怕斟岑酒泛黃波。俗尚岑村酒味甚惡衣常單夾隨宜服。却喜風光四季和。朝廷寮屬詢民事。牛

向中庭課吏胥。偶葺新軒安筆硯。更開別墅弄琴書。錦袍翠翟山中雉。巨口纖鱗峽裏魚。每食未

嘗兼兩味。要留口腹暮年餘。

白沙崗遠眺俗名龜頭山

城西五里踏輕埃。長嘯乘秋倚暮臺。峻嶺石傳新婦化。大江水自夜郎來。猿人竊笠衝虛散。土人

謂赴市為趁墟亦曰衝墟買客蒲帆向夕開。指點亂峰重疊處。蒼梧山色白雲堆。

登頂湖山慶雲寺在麓羊峽東

蒙為山下泉。其源出山頂。渚石匯平湖。倒瀉青天影。疑與銀漢通。未許洪河並。相傳軒轅氏。於此

曾鑄鼎。騎龍事渺茫。烏號誰復識。高僧結蘭若。飛甍森峻挺。欄下羣岫低。窗內長江迴。繞砌羅奇

葩。環山植嘉木。登閣傍重霄。憑虛試一驂。放眼湖天寬。撲衣嵐翠冷。微聞幽磬遠。不覺清晝永。遊興

殊未闌。夕陽媚西嶺。白雲何時生。烹泉坐石等。天欲雨則湖中雲生土人以此為占驗時久旱故有未二句

秋日王參戎青崖招同人飲寶月臺即席二首

小隊元戎出。登臺日未西。望中千嶂合。欄外七星低。佳釀供酬酢。新詩遞品題。鹿標逢雅集。拚

得醉如泥。羽士臨邛客。琴彈大蟹行。天空傳韻遠。地迴益秋清。溪色斜陽動。山光暮靄明。待者

新月上歸路馬蹄輕

為王青崖參戎題江帆載別圖圖為朱恩堂轉運所作

將軍世曾擁高牙。三十登壇鬢未華。一路逢迎過淮浦。行旌看過廣陵花。思堂違使我同年。潑墨淋漓類米顛。寫出離情千萬斛。片帆滿載一江烟。前生我是杜司勳。曾醉揚州月二分。今日披圖兩帳觸江南。春樹嶺南雲。

述嶺南草木

南荒風候別。草木換榮華。桂放深冬蕊。梅開帶葉花。珊瑚森碧樹。珊瑚樹通體俱有枝無葉薜荔綴紅葩。

鞭是霸王植。有樹枝幹發枝如鞭云是項羽鐵鞭所化因名霸王鞭土人以其根入燒酒酷烈異常間能毒人裙為孝女嘉。有羅裙沾樹因女躡于取愈父病得名躡

鵝長似枕。椰實大如楂。老嚼香椿幹。土人四時食椿葉至牙時轉不食肥餐苦筍芽。筍甚肥而味多苦四時使異果。正月進

鮮瓜。麴刈清明麥。大小麥皆正二月即刈油煎穀雨茶。土人以茶子為油楓頑多俊逸。榕古更穩樛。常令數人抱。橫

拖五畝裘。虬髯紛偃掛。榕樹大者有長鬚倒垂龍爪騁擎擎。大椰垂膏甕。大椰樹無花而實生於枝幹之上相思帳亦霞。

相思樹高數仞修條難悉數弱卉亦堪誇柏矮偏多壽萬年樹高不盈尺乃深山苔結而成但去結紅子如碎珠茅低解觸邪。草名疎籬聞吠犬。深澤覓啣蝦。吠犬啣蝦皆草名方骨形殊眾。多鬚用更賒。方骨

置雨露中數日仍活多鬚皆草名。醫跌損傷神效。雲烟蒸雜速。綬紱互交加。芋密沿郊遍。濃陰竟歲遮。春秋同一氣。搖落不須嗟。

存齋大兄與書巢主人兩書並到喜而賦詩即以分寄

青鳥雙飛撥翠嵐。風六千里外接深談。山人襟際仙無二。太守頭銜柳起三。書巢凡三去職兩地共復起登州太守名山大小。一官分領海東南。相思欲問情多少。春水桃花滿碧潭。

喜汪芝圃出守柳州馳寄分韻

昔時中土幸連鑣。早識聲名動九霄。四十年華懸玉佩。七千里路燦星輶。花名柳澤雙旌麗。春入龍城五馬驕。湛露飄來蠻雨化。和風拂處瘴烟消。分符喜共東西粵。對酒輸攜大小喬。元白居然在杭越。詩筒來往莫辭遙。

章觀察槐野書來論秦淮舊遊並有薄情之責戲答二首

秦淮一曲小銀河。慣發長條舞嫩波。樓閣依然金粉在。衣衫常惹酒痕多。深堂捲幔邀明月。繡幕迴燈聽短歌。却笑牛郎守仙戒。終年能得幾回過。無端歌酒別經年。身外風情夢裏牽。柳線寄來原易斷。荷珠傾後却能圓。魚鱗欲寄裴郎杵。雁足難纏姹女錢。知道東君解擾舉。可曾安穩一宵眠。

食嘉魚

聞說嘉魚迥出塵。小湘峽口得來真。生憎腹內柔針滿。一味當筵亂刺人。

七星巖

七星懸北斗。倒影落南荒。疎密分呈象。高卑互列行。無雲峰自濕。不雨石恒蒼。近截寒江住。橫拖遠岫長。危樓舒鳳翼。峻級履羊腸。巖朽儲殘溜。臺空剩夕陽。傳聞邀玉帝。曾此識靈籙。古洞

藏深聲。陰崖敞曲房。佛燈明眼界。苔氣發心香。即此三爻暖。應知六月涼。坐來神欲定。將去意難忘。
期蠟阮孚屐。憑噴謝傳狂。

題畫

木落草亭古。竹疎山徑幽。遙峯看不極。祇似斷雲浮。

葦東南軒落成

退食聊尋地數弓。規模因陋不求工。向明高取南牕日。怕熱先開北牖風。石竹影搖書案綠。鐵
蕉枝映幕紗紅。等閒圖史端溪硯。朝夕婆娑一老翁。

端陽自述效長慶體

放衙無事晚風涼。細把生平自付量。五十歲人行欲邁。二千石俸忝非常。積勞漸覺增衰瘵。恃
壯偏猶拒藥方。却笑春來花信到。寸心還是少年狂。

二月二十八日晚泊蘆包鎮

在三水縣東六十里時候迎上官

鹿麇送迎如駿奔。高崖繫纜將黃昏。滿江春漲碧浮艫。幾樹夕陽紅照村。輕飛掠水燕無數。細
浪搖金風有痕。長歌一曲舵樓晚。孤情渺渺生雲根。

次晨雷雨大作

昨宵煩鬱甚。預卜今朝涼。果然循環理。竟不爽毫芒。雷從地下出。雷明山頂光。雨脚雜箭礮。風

勢奔虎狼。分明練江淨。頃刻洪波揚。榜人互呼叫。水鳥紛翱翔。岸闊纜難繫。舟簸頭屢昂。同人盡惶惑。我心獨徜徉。否極自轉泰。熱極必飛霜。況茲二三月。真氣乘青陽。順時以應運。豈有吝傷。須臾天怒息。山色空蒼蒼。浪平舟自穩。雲濕水生香。更資順風力。掛席海天長。

三月初四晚泊於羊峽口

月黑不見山。但聞風水響。迴燈就蓬牕。一望迷蒼莽。螺吹動斥埃。蟲聲出菰蔣。仙人驅羣羊。不知欲何往。遺石扼要津。來去阻行棹。端州達會垣。月度恒一兩。順風藉蒲帆。逆流困蘭棹。順逆有何常。行人自執掌。既涉硯渚深。硯渚在峽外更躍龍門廣。龍門在峽州官跡半波濤。鄉情多夢想。孤懷耐宵涼。虛襟得靜爽。漸覺船影高。知是夜潮長。

生日口占

曉來攬鏡向花前。五秩新開又二年。故我已先隨逝水。問君何事不歸田。空裝金屋看春夢。盪宇巖疆愧俸錢。認得機關終解脫。青山未必竟無緣。

讀長慶集漫成

閒翻長慶集千篇。晚歲心情暮樂天。對酒幾無三日醞。服緋剛過卅旬年。銀魚金帶迷山水。白髮紅燈妮管絃。官不甚高詩易解。此翁合是地行仙。

雨後舟行

雲散天宇濕。風定海潮平。殘雨歇猶滴。春霞斷更明。深林浮霽色。層嶂咽雷聲。獨倚蓬牕坐。吟懷共水清。

將及廣州知城門已閉遂泊舟花田

花田今名花地距省城十里。臨劉時葬美人於此。

江闊遙通海。城嚴早閉門。行舟及花地。繫纜欲黃昏。春暮紅飄徑。雨餘綠滿村。叢蕉舒鳳翮。新竹長龍孫。閒水隨鷗隊。羣芳踏鮮痕。金宵涼睡穩。清夢繞香魂。

市中見楊梅

橋堤三月綠楊風。早見楊梅出市中。憶得江鄉滋味好。會稽霜白洞庭紅。

粵中聞吟

萬水千峰鎖百蠻。狂烟蠻雨路行難。當年放逐愁遷客。此日銓除羨熱官。朝漢臺空雲物在。種梅人去姓名寒。五羊城下潮消長。直過羅浮到海寬。聖朝威德遍遐荒。黑齒雕提盡客商。城到

五都開寶市。潮通百粵聚舟杭。羣誇鐘表爭奇巧。轉笑璫璣少焰光。鬼子樓高碑影白。隔江遙認

十三行。

幅幘千里各縱橫。五大三陽最著名。

廣州之南海番禺東莞順德香山為五大潮州之海陽揭陽潮陽為三陽

宋璟教來

添瓦屋。

宋璟刺廣州始教陶瓦

昌黎化後起書聲。金桃勸酒朝墟散。花艇圍燈晚市明。

靖海門外沙面江干花船酒舫以千

計可惜民風未落古。信正好訟更輕生。

未解乘車喜佩刀。朱門大厦亦雄豪。魚皮燈影懸星朗。

土人吹河豚魚蠔殼牆聲撲雨高

俗以蠔殼築牆百孔怒張風雨有聲

猛目家貧爭炭廠。

猛人又首謂之蛇娘生為燈光明特甚

計託漁篙可憐萬樹春風絲。不見垂絲繫碧絲。

與中無垂柳

沿郊也解種桑麻。負潤依巖便作家。

寒暖未妨同氣候。山川各自擁烟霞。遊人冬日搖風扇。行客晴天挾雨遮。土人呼傘為雨遮好是春時二三月。紅燒十丈木棉花。

張香瀾太守解組將歸出琴鶴圖囑題即以贈別

廿載名場老。孤懷兩眼青。碑留大庾嶺。

公與令祖先後守南雄梅嶺上載有碑記

績著景賢亭。景賢亭為公創建靜習調琴譜。閒修相鶴經。分明趙清獻。千古共芳型。過眼雲霞紅。抽身天地空。松孤秋更碧。楓茂老尤紅。息舞修林外。尋聲夕照中。生平官適意。一春寄清風。此去歸途好。春風日未曛。杯邀江上月。舟載嶺頭雲。笑別騷蠻侶。言親鸞鶴羣。臨歧無所贈。惟囑念相聞。

雨涼

炎蒸連十日。一雨嫩涼生。書帶微含潤。流紋覺頓輕。汗消憐體滑。神定識香清。今夜覺暑氣。應添幾許情。

早春

嶺外韶光早。春深正月天。綠沈蕉葉雨。紅過杏花烟。秧稻平鋪錦。衣裳久去棉。江南憶風信。應未到梅邊。

補齒

去年橫擊一齒落。過盡屠門難大嚼。今年有客工補天。斷骨續骨如完全。切磋既就形無兩。八竅分明關痛癢。一聲長嘯海天秋。壁則猶是馬加長。強把無情合有情。掀髯排比自相生。絮然偶啟無妨冷。默爾靜扣仍有聲。序次幸非無足數。漱石餐霞任吞吐。明知不是骨肉親。且可相依禦外侮。

松臺

在七星巖玉皇峯上。豐碑大書上帝錫百神處。

玉皇峰頂敞高臺。雲引天門一綫開。放眼未窮千里遠。傳聞曾識百神來。峽山近傍堦前立。滙水遙從掌內迴。應是仙人慵不掃。石闌千畔長莓苔。

贈陳雷州縣夫

蒼髯白髮擁雙旌。草隸功深老更名。瞪目獨傾一二斗。科頭長嘯兩三聲。門前書鳳常嗔俗。腕下擒龍要取生。怪底筆能搖五岳。前身原是太湖精。

洗硯圖為汪涉橋題

孰讀繁欽頌。端溪訪硯村。暈分青雀眼。嫩割紫雲根。石案澄秋影。松花挹露痕。臨池書興足。殘瀋付魚吞。道子傳神筆。能傳阿堵奇。臨風開絹素。活脫出鬚眉。石友調琴洽。嬌童捧硯宜。桃花潭水碧。正可想襟期。

題秦方吉烹泉圖

方吉年五十。僅一子。忽夢其太夫人持蘭語之曰。爾舊蘭將萎矣。吾為爾新之。方吉手受而寤。未幾其子竟歿。方吉感悼。圖寫小影。手握芳蘭以誌。

欲補南陔展孝思。幻從畫裏寫丰姿。試憑陸羽三吟論。閒賦盧仝七椀詩。花贈庭堂應有待。子生仙果却嫌遲。故鄉泉水高堂夢。正在蘭香名孰時。蘭姜分明夢未差。等閒何事久離家。有徵定可重開甲。不種何能自出芽。門對惠山分活水。居臨顧渚試新茶。方吉家無錫天涯駒影春如海。忍更虛拋屋裏花。

午過羚羊峽

雙漿乘江下。春深鳥語殘。午看山影直。晴覺峽流寬。洲晒漁簍小。峰懸瀑布寒。靈祠應笑我。來去太無端。峽外有靈山祠

題魯尹東小照

碧海雲高綠楊雨。歌萬頃春波。一船明月。有懷投筆。笑學乘槎。不逢漁父。時見桃花。米家畫舫。陶令衡門。春風短擢。夕陽半村。水平丹穩。風正帆開。遊情方壯。漫賦歸來。得存齋兄書知春。初還錢塘作。天台雁宕之遊。且不俟迎。而來。臯喜賦三章。

矯矯東山鶴。先春出九臯。官情拋更淡。遊興老偏豪。雁宕尋烟入。天台倚日高。阮孚雙屐健。竹杖不須勞。正是春新候。湖山要好詩。幽人成獨往。故國慰相思。雲暖流香遠。花深放擢遲。經

過夢巷里隔世憶兒時。

故居在杭城夢巷

萬里將迎意。春前遣老奴。

余於新正遣奴奉迎

深情期杖履。私念怯江

湖。聞說乘風便無煩折簡呼。殷勤計時日。先為整庖厨。

納涼

龍鬚八尺展藤牀。移近闌干臥晚涼。經雨半垂君子竹。攪風不散女兒香。腰憑來夢摩挲巧。背愛麻姑指甲長。捲起珠簾邀月入。醒時錯認滿庭霜。

乘潮渡珠海

霞淡斷猶明。蟬鳴雨初歇。船底潮暗生。岸前灘漸沒。挂席趁長風。臨流弄明月。試欲訪珠娘。風波杳漠渤。

宿新興察院公廨

溽暑連朝埽不開。暫時小住且啣杯。庭前三丈芭蕉樹。終日瀟瀟送雨來。

夜發沙河

在新興江內

河淺不盈尺。洲迴數重灣。白痕倒眠鷺。碧影沈遙山。船攔行忽坐。沙怒語更變。多情謝明月。照

我青雲間。

賦得微雲淡河漢

得河字

端州試士題

露氣澄霄漢。清光動玉河。雲間風弄葉。天上水無波。互駕長空遠。輕移一片過。澹時因月朗。明